

ZORAXIN TABLET/SUSPENSION

Acyclovir (200mg, 400mg, 200mg/5ml)

Apakah yang ada pada risalah ini

1. Apakah kegunaan ZORAXIN
2. Bagaimana ZORAXIN berfungsi
3. Sebelum menggunakan ZORAXIN
4. Cara menggunakan ZORAXIN
5. Semasa menggunakan ZORAXIN
6. Kesan-kesan sampingan
7. Cara penyimpanan dan pelupusan ZORAXIN
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

Apakah kegunaan ZORAXIN

ZORAXIN digunakan untuk merawat atau mencegah jangkitan herpes simplex (kudis herpes) pada kulit dan membran mukosa seperti herpes genital. Ia juga digunakan untuk mencegah jangkitan herpes simplex di kalangan pesakit yang imun sistemnya tidak berfungsi dengan baik.

ZORAXIN juga boleh digunakan untuk merawat kayap (jangkitan herpes zoster).

Doktor anda mungkin mempreskripsikan ZORAXIN untuk tujuan lain. Tanya doktor anda sekiranya anda mempunyai sebarang soalan tentang sebab ZORAXIN dipreskripsikan kepada anda.

Bagaimana ZORAXIN berfungsi

ZORAXIN mengandungi bahan aktif acyclovir.

Acyclovir merupakan sejenis ubat anti virus, yang bertindak untuk menghentikan penbiakan virus. Ia membantu dalam mengurangkan kesan serius dan tempoh gejala kudis herpes/kayap tetapi tidak menghilangkan virus dari badan anda.

Sebelum menggunakan ZORAXIN

- Bila tidak boleh menggunakan

Jangan menggunakan ubat ini jika anda alah terhadap acyclovir atau sebarang bahan kandungannya yang disenaraikan di akhir risalah ini.

Jangan menggunakan ubat ini selepas tarikh luput pada pek ini atau jika terdapat tanda salahguna pada pembungkusan.

Jika ia sudah luput atau rosak, kembalikan kepada ahli farmasi anda untuk dilupuskan.

Jika anda tidak pasti sama ada anda patut mula menggunakan ubat ini, sila tanya doktor anda.

- Sebelum mula menggunakan ZORAXIN

Beritahu doktor anda jika anda mempunyai alahan terhadap sebarang ubat lain, makanan atau pengawet.

Beritahu doktor anda jika anda hamil atau menyusukan bayi. Maklumat tentang penggunaan ZORAXIN semasa kehamilan dan penyusuan bayi adalah terhad. Doktor anda akan berbincang dengan anda mengenai risiko dan manfaat mengambil ubat ini.

Beritahu doktor anda jika anda mempunyai atau pernah mengalami sebarang masalah kesihatan seperti yang berikut:

- Masalah sistem saraf
- Masalah buah pinggang
- Masalah hati
- Ketidakeimbangan elektrolit dalam badan

Jika anda belum memberitahu doktor anda tentang mana-mana perkara di atas, beritahunya sebelum anda mula mengambil ZORAXIN.

- Jika mengambil ubat-ubat lain

Beritahu doktor atau ahli farmasi anda jika anda sedang mengambil ubat lain, termasuklah sebarang ubat yang anda beli tanpa preskripsi daripada farmasi, pasaraya atau kedai makanan kesihatan.

Sesetengah ubat dan ZORAXIN boleh bertindak balas antara satu sama lain. Ini termasuklah

- probenacid yang digunakan untuk merawat gout

Anda mungkin perlu mengambil ubat anda dalam jumlah yang berlainan atau anda mungkin perlu mengambil ubat yang berlainan.

Doktor dan ahli farmasi anda mempunyai lebih banyak maklumat tentang ubat lain yang perlu diberi perhatian atau dielakkan semasa anda mengambil ZORAXIN.

Cara menggunakan ZORAXIN

Patuhi semua arahan yang diberikan oleh doktor atau ahli farmasi anda dengan teliti.

Arahan-arahan ini mungkin berbeza daripada informasi yang terkandung dalam risalah ini.

Sekiranya anda tidak faham arahan pada pek, tanya doktor atau ahli farmasi anda.

- Berapa banyak harus digunakan

Jangkitan herpes simplex

Dewasa

- Rawatan: 200mg 5 kali sehari, jarakkan 4 jam di antara dos. Ambil untuk 5 hari.
- Pencegahan: 200mg 4 kali sehari, jarakkan 6 jam di antara dos.
- Pesakit yang mempunyai masalah fungsi buah pinggang yang teruk: 200mg dua kali sehari, jarakkan 12 jam antara dos.

Jika sistem imun anda terjejas dengan teruk atau anda mempunyai gangguan penyerapan pada usus, doktor anda mungkin akan meningkatkan dos ZORAXIN.

Jangkitan herpes zoster (kayap)

Dewasa

- Rawatan: 800mg 5 kali sehari, jarakkan 4 jam di antara dos. Ambil untuk 7 hari.
- Rawatan untuk pesakit dengan fungsi buah pinggang yang sederhana terjejas: 800mg 3 kali

sehari, jarakkan 6-8 jam di antara dos.

- Rawatan untuk pesakit dengan fungsi buah pinggang yang teruk terjejas: 800mg 2 kali sehari, jarakkan 12 jam di antara dos.

Orang tua

Dos mungkin dikurangkan, terutama di kalangan pesakit tua yang buah pinggangnya tidak berfungsi dengan baik.

Kanak-kanak dalam sistem imun yang lemah

- Rawatan:
 - 2 tahun dan ke atas – dos orang dewasa
 - Bawah 2 tahun – setengah dos orang dewasa

Adalah sangat penting untuk minum air yang banyak semasa mengambil ubat ZORAXIN untuk mengelakkan dehidrasi terutamanya jika anda adalah orang tua atau mengambil dos yang tinggi.

- Bila perlu digunakan

Ambil ubat anda seperti yang diarahkan oleh doktor.

- Berapa lama perlu digunakan

Ambil ZORAXIN secara berterusan sehingga pek ini habis atau seperti yang diarahkan oleh doktor anda.

- Jika terlupa menggunakan

Jika sudah dekat waktu dos seterusnya, tinggalkan dos yang terlupa dan ambil dos seterusnya mengikut jadual biasa.

Jika tidak, ambil dos yang tertinggal sebaik sahaja anda teringat dan kemudian kembali mengambil ubat anda seperti biasa.

Jangan gandakan dos untuk menggantikan dos yang terlupa.

Jika anda sukar mengingati masa untuk mengambil pil anda, minta petua daripada ahli farmasi anda.

- Jika mengambil berlebihan (terlebih dos)

Jika anda fikir anda atau orang lain mungkin terlebih mengambil ZORAXIN, hubungi doktor anda untuk mendapatkan nasihat atau pergi ke bahagian kecemasan hospital yang terdekat dengan segera.

Ini mesti dilakukan walaupun tiada tanda ketidakselesaan atau keracunan.

Anda mungkin memerlukan rawatan perubatan dengan segera.

Semasa menggunakan ZORAXIN

- Perkara yang perlu dilakukan

Beritahu semua doktor, doktor gigi dan ahli farmasi yang sedang merawat anda bahawa anda sedang mengambil ZORAXIN.

Jika anda hamil semasa anda mengambil ZORAXIN beritahu doktor anda dengan segera.

Jika anda akan mula mengambil sebarang ubat baru, beritahu doktor dan ahli farmasi anda bahawa anda sedang mengambil ZORAXIN.

- Perkara yang tidak boleh dilakukan

Jangan mengambil ZORAXIN untuk merawat sebarang masalah lain melainkan diarahkan oleh doktor anda.

Jangan beri ubat anda kepada orang lain, walaupun mereka mengalami keadaan yang sama seperti anda.

- Perkara yang perlu diberi perhatian

Berhati-hati apabila memandu atau mengendalikan mesin sehingga anda tahu bagaimana ZORAXIN mempengaruhi anda.

Kesan-kesan sampingan

Semua ubat boleh membawa kesan sampingan. Kadang kala kesan sampingan ini serius, tetapi selalunya tidak.

Minta nasihat doktor atau ahli farmasi anda jika anda mempunyai sebarang kebimbangan mengenai kesan mengambil ubat ini.

Jangan khuatir dengan senarai ini. Anda mungkin tidak mengalami sebarang kesan sampingan tersebut.

Beritahu doktor atau ahli farmasi anda jika anda mengalami sebarang kesan sampingan berikut yang membimbangkan anda:

- Sakit kepala
- Rasa loya
- Muntah-muntah
- Gangguan perut dan usus

Beritahu doktor atau ahli farmasi anda jika anda mendapati apa-apa yang membuatkan anda rasa tidak sihat. Kesan sampingan lain yang tidak disenaraikan di atas mungkin berlaku di kalangan sesetengah pesakit.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web portal.bpfk.gov.my (*Consumers* → *Reporting*).

Cara penyimpanan dan pelupusan ZORAXIN

- Penyimpanan

Simpan ubat anda dalam peknyanya sehingga tiba masa untuk mengambilnya.

Jika anda mengeluarkan ubat daripada peknyanya, ia mungkin tidak dapat dikekalkan dalam keadaan yang baik.

Simpan ubat anda di tempat suhu bawah 25°C. Lindungi daripada cahaya.

Jangan simpan ZORAXIN atau ubat lain dalam bilik mandi atau dekat sinki.

Jangan tinggalkan ubat di atas unjuran tapak tingkap atau dalam kereta.

Haba dan kelembapan boleh merosakkan sesetengah ubat.

Simpan di tempat yang tidak boleh dicapai oleh kanak-kanak.

Almari yang berkunci sekurang-kurangnya satu setengah meter dari aras lantai ialah tempat yang sesuai untuk menyimpan ubat.

- Pelupusan

Jika doktor atau ahli farmasi anda mengarahkan anda berhenti mengambil ZORAXIN atau ubat ini sudah melepasi tarikh luputnya, sila tanya ahli farmasi anda apa yang patut dilakukan dengan sebarang ubat yang tinggal.

Maklumat lanjut

- Rupa dan warna produk

ZORAXIN TABLET 200MG

- Pil berbentuk bulat, berdiameter 9mm, berwarna hijau epal dengan tanda “d” dan “d”.

ZORAXIN TABLET 400MG

- Pil berbentuk bulat, berdiameter 11mm, berwarna merah jambu dengan tanda “DUO 861” dan “bunga”.

ZORAXIN SUSPENSION 200MG/5ML

- Cecair berwarna kuning.

- Bahan-bahan kandungan

Bahan aktif:

ZORAXIN TABLET 200MG

- Setiap pil mengandungi 200mg Acyclovir.

ZORAXIN TABLET 400MG

- Setiap pil mengandungi 400mg Acyclovir.

ZORAXIN SUSPENSION 200MG/5ML

- Setiap 5ml cecair mengandungi 200mg Acyclovir.

Bahan tidak aktif:

ZORAXIN TABLET 200MG

- Aerosil
- Promigel
- Colloidal silicon dioxide
- Pewarna kuning
- Polyvinylpyrrolidone
- Pewarna biru
- Laktosa
- Magnesium stearate

ZORAXIN TABLET
400MG

- Aerosil
- Carmoisine
- Colloidal silicon dioxide
- Polyvinylpyrrolidone
- Magnesium stearate
- Promigel
- Laktosa

Tarikh kemaskini RIMUP
08/10/2015

Nombor Siri
BPFK(R4/1)061015/00340

ZORAXINSUSPENSION
200MG/5ML

- Cecair glukosa
- Peisa raspberi
- Paraben
- Propyl paraben
- Sodium saccharin
- Pewarna kuning
- Rhodigel
- Gula kasar
- Tragacanth
- Methylparaben
- Propylene glycol

- Nombor-nombor MAL

ZORAXIN TABLET
200MG
MAL19973345AZ

ZORAXIN TABLET
400MG
MAL19973346AZ

ZORAXIN SUSPENSION
200MG/5ML
MAL19973348AZ

Pengilang

DUOPHARMA (M) SDN.
BHD. (42491-M)
Lot. 2599, Jalan Seruling 59,
Kawasan 3, Taman Klang Jaya,
41200 Klang, Selangor Darul
Ehsan, Malaysia.

Pemegang Pendaftaran Produk

DUOPHARMA (M) SDN.
BHD. (42491-M)
Lot. 2599, Jalan Seruling 59,
Kawasan 3, Taman Klang Jaya,
41200 Klang, Selangor Darul
Ehsan, Malaysia.